

靈巖山人詩集

靈巖山人詩集目錄

第三十五卷 古今體詩

嵩陽吟館集

捕蝗

七夕漫興四首

涓水待渡

過朱曲子產故里

汝州行館修竹茂甚畱詩以志清賞

和智珠秋夜遣懷卽次其韻

木瓜四首

歸航詩次翁宮詹覃谿方綱韻

豫州紀

恩述政詩十首

徵漕糧

禱時雨

蠲丁緡

給口糧

借籽種

疏汴河

免地租

設粥廠

種番薯

歸舊田

強園協洽

趙紫芸欲歸吳下詩以留之

穉存應試春闈臨行出素冊索書詩以送之

題宋七約亭太守萬里歸來圖

游玉陽山盤谷諸勝處

悅山寺

砥柱山

戲詠不倒翁

繼曾姪四庫全書館書成叙用州倅詩以示之

七夕詞蘭陽道中作

靈巖山人詩集卷三十五

鎮洋畢沅秋帆

一字
穰

嵩陽吟館集

捕蝗

土中風雨交厥田寸寸美頻年苦亢旱井底無滴水渚鴻
嗷嗷鳴斗粟不上帝室家遭蕩析河流橫不已

天子坐法宮問夜披衣起虔禱格靈祇甘霖疊沛矣二麥
慶豐登獲利得倍蓰伏雨依旬降平原望渺瀰秋禾漸秀
實大有可立埃從此歉轉豐吏民大歡喜無端有暴客探
丸起西鄙兵符火速馳躍馬渡溱潁見溝塍閒解解布
蝻子醜類種實繁萌蘖不知始咀嚼有停聲充塞難投趾

面赤而身黃，猙獰吐鋸齒，兩股類螽斯，跳躍更迅駛，快嚼葉，穢莖叢抱籽成批，狼戾貪如縱橫蠶，會似南畝蔚秋雲，頃刻盡億秭，儻不急撲滅，滋蔓正未止，有司莫以告民瘼，實玩視失職，挂彈章，輦帶應三禡，下令發丁男，邨邨分壁壘，勿假吏胥權，嘉穀怕遭毀，前人有成法，條理若掌指，圩岸出閒田，掘坑倍尺咫，土厚急覆壓，火烈恣焚燬，誅雖不勝誅，害去其甚耳，英英劉將軍，廟會亦宏侈，蝨賊伏驅除，功同田祖，儼鄉愚，乏知識，云是神所使，勇猛兼正直，戕民無此理，或者官無狀，父母異樂只，蠶作報在官，感應良有以，格物我無功，衾影抱心耻，嗟嗟災餘民，肌膚遍瘡痕，盜賊及蝗蝻，流毒安所底，失此望歲心，傷痛入骨髓，膏雨

正油油黍稷正嶷嶷何苦民脂血舉以飼蟲豸庶幾神聽
之蝗生忍民死

七夕漫興四首

九微燈燼夜如何半壁蟾光帖井柯偷度七襄新撓巧金
盤蛛網得靈梭

暑退虛庭惜景光羅衣薄薄怯新涼幽花漸逼秋心逗籬
角牽牛引蔓長

河梁今夕駐雲駟團扇風輕戲撲螢嬾上鍼樓拜新月背
人無語倚銀屏

愛說靈期兒女情蓮花漏轉過初更涼生一夜西堂雨疑
挾銀河風露馨

泗水待渡

采蘭上已不祥除遺俗河濱一問諸雨急掀波迷荻岸沙
平上水沒瓜廬中流壺重千金直半幅帆輕一葦如柳繫
空航舟子去濟人那得大夫輿

過朱曲子產故里

邑傳東里話鄉鄰曾住名鄉俗尙淳遺愛千春推眾母誦
聲一路聽輿人井田意美邨居舊溱洧流長廟食新水懦
不如師火烈齊民箴訓要遵循時正往伊陽辨
拒捕傷官重獄

汝州行館修竹茂甚畱詩以志清賞

小園萬箇碧琅玕白石文除帶急湍秋雨新晴人未寂風

前一紙報平安

時得汴
城家報

和智珠秋夜遣懷卽次其韻

珠斗垂檐直銀鐙讓月明多愁怯雨落淺夢覺涼生樓迴
秋先得庭虛樹有聲疎蟬知客意淒咽斷三更

時駐節
汝上

木瓜四首

木落秋園萬景空
楸枝垂實最豐隆
寒林霜重飛金氣
碩果根靈託土中
酸爲書生畱本色
甘蘇枯腊起全功
麗姿閑冶元天賦
漫詔紅妝貼紙工

例充土貢有程期
約爛宣房小摘遲
海內幾人稱永好
秋闈底處寄相思
自從衛國陳風後
卻訝唐賢閣筆時

唐人
無本

瓜詩差喜蘭亭珍
果熟硬牋拂拭正臨池

紙窗悄對潮清綠
贈絕苞苴信誓堅
質勝文眞能返樸
華

兼寶委得天全細縵酒瓊巖鑪外輾轉書牀筆格邊怪殺
詩人吟竝蒹秋衾惹夢一宵圓

華林別館紀遺聞鏡脚棠梨種細分粉鏡香光瑩麗澤金
盤淨影化涼雲蕭齋許結花鄰菊祕笈應刪草蓄芸自信
報瓊非素願免教無謂致殷勤

歸航詩次翁宮詹覃谿

方綱韻

文穆銘觥萬歷年爲嘉文毅能犯顏其後流傳皆得所諸
賢節烈昭遺編一觥關係信非淺常與忠義同舒卷今得
重還合浦珠宐君色喜愁眉展玉盃香螺詎足論支機不
啻貽天孫試向江亭開韞櫝應令水怪俱騰奔緬想當年
氣猶電報國未曾忘一飯聯名白簡鋪丹墀惜哉不遂排

姦願放歸田里友巢由日暮都亭誰勸酬神羊一角文念
四斯人斯事爭千秋少時構屋靈巖麓今古圖書恣游目
就中一首竹垞詩歷叙原由最詳熟此觥存否苦難知豈
料波瀾爾許奇一贈一求一介紹只憑學士數行詩昨者
敲門向予說爲觥得得衝風雪千里關河七尺筇脚跟重
繭手皴裂向公索詩公弗笑心感翁顏無以報逝將到處
覓瓊琚下自山林上廊廟我問其語意忻然名門事事總
堪傳爲君操觚酌君酒十分君且權觥船

豫州紀

恩述政詩十首

有序

沉去春承

恩命移撫豫州豫州比歲以黃河爲患旱暵成災民會拮
斃據政務叢脞莅任數月復有盧氏柘城伊陽等案
巡役戕官或劫財聚眾皆須親自稽研迅加清理兼
荷勘災區運籌賑餉僕僕往來刻無寧晷洎今載餘
或之發天之龍雨暘時若年穀順成沅事事欽承

廟算日就月將俾蒼黎復業河汎安瀾胥由

聖天子渥恩仁政所由致也允宜紀之以詩用垂萬禩詩
凡十章具列于左

截漕糶

并引

中州三年缺雨四季不登

恩賚頻加倉庾告罄將需賑貸當早經營爰請截畱漕糧

二十萬石蒙

恩增給三十萬石我

皇上憫災恤民之念有加無已洵亙古罕及也

天子坐明堂宵旰急民急豫州水旱餘閭閻惟壁立承
命撫此邦先務在安輯百萬待哺人枵腹但飲泣四顧皆
石田生死縣呼吸是宜預持籌俾之得周給賑貸已頻仍
倉廩乏糧粒火速具封章漕糧截鄰邑

皇仁浩如天廿萬仍加十

敕降旬日閒舳舻若雲集麥秋雖不登萊色黍免及漫詠
黍苗詩請歌鴻鴈什

禱時雨并引

河北自黃河一波赤地千里近復恆暘生氣如洗及
抵汴後風霾漲天城邑蕭索徧詢郡縣知畝畝陂塘
惟石田沙海而已爰遣驛吏馳赴太白山挹取龍湫
結壇齋禱冀邀神貺上以慰

聖主痲痺一體之懷下以拯蒼黎饑饉薦臻之苦第下車
而月早曠仍初自惟術疏德薄深有慙於百里嵩也
今歲河南北陽烏覺愈驕日挾乾風勢盡捲黃沙飄大地
燥將裂松柏春來凋矧乎畝畝中昔昔徑寸苗農夫泣相
向直可以淚澆我新莅斯土覩之心搖搖星夜遣飛騎靈
湫乞一瓢移市閉陽門設壇率羣僚步禱烈日內衣裳炙
欲焦土龍空天矯女魃偏逍遙詎係宍羊過深懷諒輔燒

見搜神記

雲漢到處歌

祈雨歌雲漢詩章自東晉蔡謨議定厥後常仍之

甘澤何時謠

調丁緡

并引

衛輝一府水旱交侵被災尤甚屢沐

恩賑元氣未復今復二麥全萎萬家縣釜現又

敕給口糧俾災區不至否瀟第因其嗇而使之入者斲難

復有餘而可以出也故驥奏

彤廷請蠲免今年地丁租賦已蒙

俞允竝

詢問比連疆界有須一槩施行者速以奏

聞

聖主誠求保赤無微不至真出窮黎於水火而加諸衽席

矣

湯有七年旱堯有九年水黎民每阻飢聖世亦屯否以豫
州視之不過偏災耳第今生齒繁較昔相倍蕞俾家給人
足未免難料理會且仰

上方征輸可知矣儻復向徵求何殊促以死貢稅調地丁
封章奏

天子免百萬金錢憑數張麻紙

皇心仍拳拳災區訊連里日吁急民急胡爲遲待只

沉奏
將屆

開徵時再行請

旨謂免奉

上諭急民之急何必遲待卽有堯典舜典中嘉言未聞此

旨云云

給口糧并引

河北三府旱暵成災

恩詔頻頒議蠲議賑調劑周詳無微不至第連年積歉之區復又二麥顆粒無獲賑務將完青黃不接炎夏日爲候方長卹屋情形實多竭蹶迺

皇仁優渥復命展賑三月不惜金錢數百萬眾濟博施沅恐不肖吏胥從中染指故於仲夏初旬親往各鄉卹稽訪務令一粒一銖俾災黎均霑實惠以仰副我

皇上惠眷元元不使一夫或失其所之至意

聖主於災黎拯救若不足萬千
頒帑金再三卹卹屋猶慮屆長歲或又缺餽粥更加三月賑俾得待秋熟

溫綸自責躬城野共聆矚父老暨婦暨感激繼以哭沆黍
任茲土職司在撫育未轉歉爲豐自問實慙惡方當散給
時所悉遭腹剥虛糜府庫財翻果豪猾腹單車遠近巡敢
憚炎歊酷且喜郵堊間炊煙白相續

借籽種

并引

積歉諸區得賑僅敷餬口甘霖被野翻犁難仗空拳
相看同病欲告無門惟在司牧者輔相之而已

聖天子方切民依一切政莫先農事沅用是徧諭屬僚凡
得雨郵坊卽速給其籽種務令及時畢力田畝以待
西成庶可轉歉爲豐不致戛呼庚癸也

丞哉吾

聖皇民瘼靡不燭早知積歉家籽糧必難足謂方竭蒿藜
焉得餘穉稂未雨豫綢繆

敕沅善緝績

至仁格穹蒼煥風蒸霰霖溝澮倏皆盈山林淨如沐亟諭
諸有司開倉發粟菽鼓舞徠農民囊橐雜筐篋小戶何所
言一合卽一斛大戶何所言種稻勝種玉雖有明月珠有
易凶年穀竚看鴻鴈來邨邨響碌碡

疏汴河

并引

距汴梁城十餘里向有賈魯河考覈輿圖卽古汴水
發源大周山會京索間水至潁州入淮又賈魯河自
中牟西分支爲惠濟河由祥符下至亳州會渦水入

淮計長各四百餘里昔時商販由此往來自黃流汎
溢淤塞多年舳舻不通倉貨罕至沅奏請疏濬蒙

旨允行直茲歲歉民貧本須出緡發粟普給窮閭因擇其
年力可用者俾之以工代賑是一舉而兩得而旱澇
蓄洩攸關田疇卽水利亦至鉅也

倉貨切民依河渠關

國計乘便利導之功用實非細中州有兩河賈魯暨惠濟
商賈每津逮舟楫不時至卽偶逢偏災百穀亦儲積自被
黃流冲堙塞未疏治隴畝失灌輸懋遷悉停滯擬招失業
人計工使從事具疏達

九重深愜吾

皇意曰此宜亟行無更踈部議遇當爲則爲因所利而利
畚鍤集飢氓驥虞如樂歲

免地租

并引

沅蒙

簡任中州信理庶績民之所利固宜興民之所病亦宜革
我

皇上詳求民瘼苟有入告莫不

聽從若今鄭州胡家屯暨州北灘地如千頃昔爲農畝今
成水鄉地廢糧存小民艱於輸納爰具劄呈請槩與
革除在

國課所減甚微在窮簷受

惠匪淺矣

聖君重民瘼詳求恆殷勤俗吏由舊章流弊亦遵循鄭州
有隙地阡接黃河濱居人墾作田升科納

帝困自從隄決防畦畛成通津不復堪樹藝賦額依然存
援例官追逋民苦無由申況屢值凶歲輸納尤艱辛我廉
得其實封章達

玉宸清晨蒙

睿鑒未夕降

恩綸被

惠諸戶口感頌交歡欣是豈使君德端由

天子仁

設粥廠 并引

粥廠緣窮民之無告者設也或子身落魄戶口無稽
或異地飄蓬丐求度日泊乎鰥寡孤獨婦女病廢之
人饑饉難自存賑貸有未及加以時迫嚴冬雪片如
掌風梭似刀若不急爲調劑必至殍殮相望是以請
援舊例并求賑至來年三月爾時麥且登場庶窮黎
克自存活也

惇惇無告者樂歲財力殫況今秋穫薄生理益多艱
君王有仁政法善例可援泥竈支茅廠分遣所司官出米
煮糜粥每日給一滄侵曉冒風霜覩狀堪辛酸歎罷相偶
語未語先長歎殘臘命苟延新正事可患溝頭與壑尾餓

死誰施棺我忝撫綏任安肯袖手觀爾曹
忝勿慮
恩許迨春殘春殘大麥熟自活應無難

種番薯 并引

救荒之術如晉劉景先唐孫思邈宋黃庭堅皆有遺
方載在書契第凶年儉歲若遵其說必使人人辟穀
戶戶休糧未免不情殊非良法維我

皇上軫念民依

睿思所及以番薯向產閩省可充饑糧兼耐旱暵儻移種
之是亦救荒一策

敕將藤苗及栽培之法傳寄

命沅分諭各屬如式樹藝按番薯卽本草經所載甘藷異

物志

陳祈暢著

云珠厓之人不耕業惟種此名藷糧海中

多壽以不食五穀而食此故也其性宜沙土與豫州最宜春間曾令廣植今已成熟農民獲利實多且田頭邨尾隨處卽滋生蕃廡又可廣收地利之有餘藉補田功之不足而功期久遠平易行固非沾沾於休糧辟穀者所可同日語也

體物知地宜

達識由

明主神速功無方真堪造化補向

敕移甘藷謂可佐禾黍並傳栽培方簡便事易舉因諭諸職司分給各邨墅及時如法行收成利果溥迺徧召老農

通徧召老圃茲物功用多爾曹目共覩將來廣蒔之芋粟
何足數不擇地肥瘠不憂時旱雨恆副盈車望免慮枵腹
苦從今河南北永遠爲樂土

歸售田

并引

中州比歲歉收閭閻生理未免艱劬在貧民急在補
瘡寧辭剝肉而富戶工于乘便偏巧居奇壟斷者利
市奚止三倍鬻產者形情實出萬難免死未見狐悲
鵲巢公然鳩居去聲若不代爲區畫濟以變通將清時
有失業之人樂歲多斲炊之室勢必顛沛流離伊于
胡底以故徧諭民間自乾隆四十九年後售出田產
須任回贖無許畱難仍以三年爲率竝封事上

聞請嚴定章程用昭平允蒙

恩嘉獎謂沅籌辦及此實屬盡心民事迨今數月計贖田三十萬餘畝從此邀天之靈順

帝之則百穀蕃廡樂利之風不難立觀也

邨農數畝田全家命依倚一朝忍割舍萬非事得已豪富樂凶災挾利巧吞舐畢生餬口資僅換石餘米不惟河北民河南亦若是予聞深愀然權宜爲經理明諭勝通衢舊業贖可耳儻故強據者有司究所以爰備叙緣由封章奏天子

天子曰嘉哉朕卽有旨矣歡聲百萬人

丹鳳書一紙

強園協洽

趙紫芸欲歸吳下詩以留之

花影紅窗日漸遲
裹裝難定再來期
江南縱有蓴鱸興也
待秋風欲起時

穉存應試春闈臨行出素冊索書詩以送之

別思無端寫玉琴
七年會合記題襟
文章聲色凌河嶽
風雨情懷証古今
書味藹于春澤麗
酒痕紅入杏花深
臨岐不盡停雲感
千里相將一寸心

題宋七約亭太守萬里歸來圖

嵩陽殘雪冷絲鞭
銀燭光中舊雨聯
見面漫嗟雙鬢改
豪情不減廿年前

拋官便擬狎浮鷗風定輕帆正好收
丁字沽前春水碧潮平隨意泊歸舟

上元燈火記繁臺話別何時得再來
多謝故人情鄭重迴頭一步一花開

游玉陽山盤谷諸勝處作

不知峯幾重太行接王屋遙瞻竇無垠
蒼蒼盡雲木間有古招提跋馬凌層麓
晨曦纒上時春嵐一寺綠紫藤花兩
株撲面送幽馥奇石立當門軒然若翔
鶴倒影入澄潭輕漣疊翠殺登堂致辦
香金身禮丈六更衣向松寮從僧索茗
粥因言唐帝子玉真公主
修道于此琳宮於此築日服靈飛符道
成棄凡俗迄今憩鶴臺岩際畱芳躅
昔時翠雲箱繡袞遺

六幅仙物亦通神化爲羣蝙蝠每逢昏黑夜肉翅翩翩
游客競題名翠壁可游矚異草能忘憂珍禽時奪目珠泉
丹磴承蘿洞白雲伏風光引興長登眺惜時促詰朝擬更
游特借經堂宿舊碣滿廊牆破寂細評讀奚奴頗解事敲
火爇銀燭殿鼓發初插漸集緇衣屬梵唄海潮音身疑在
天竺須臾厓月升金波涼穆穆光彩驚栖鴉移枝頻撲朔
觸墮牆頭花一陣紅菽菽體疲聊假寐倏已露新旭火速
呼肩輿取道向盤谷谷口曉煙屯始入兩厓蹙不夷亦不
險一直卽一曲澗壑通橋梁人家傍岩陸無邊穉稔田到
處篋簞竹籬根眠野鳧屋角挂飛瀑可樵兼可漁空麥復
空穀自從筮仕來心跡兩拘束帝鄉寧可期石隱亦須福

安得謝簪纓，翛然返初服。及今歸故山，尙值楊梅熟。

悅山寺

靈境藏幽谷，縈紆石徑平。登臨春最好，邱壑畫難成。翠澗流花影，青嵐溼磬聲。斯游天假我，破曉雨初晴。

地僻人稀過，莊嚴選佛場。粥傳齋院鼓，旛颺戒臺香。畫軸瞻龍女，珠龕供鶴王。回身卽彼岸，不必問慈航。

雲際出欄杆

行宮鎖碧巒，禽聲花嶼午。竹翠石堂寒，得趣言歸懶。畱題下筆難，好風時破寂。檐鐸語林端。

小坐試新茗，甄鑪掃葉焚。因尋辟蠹艸，細認斷碑文。松古破連石，泉甘冷帶雲。每逢心賞處，總覺易斜曛。

砥柱山

又名三門山

河水東趨第六曲奔騰澎湃震岩陸晴皓一嶂扼中央激
起濤頭大于屋如屋濤頭散漫流黔黎恆切爲魚憂天生

夏后運斤斧三門闢處狂瀾收

中爲神門南爲鬼門北爲人門

稜稜硤角

齊西向劃破滄波不相讓派別枝分率性行旬旬遙認風
聲壯石削風生湍益豪憑陵欲與山競高千尋壁立若無
事定力有素盤根牢隋唐糧運山斯往雜運丁男牽百丈

逆浪攀厓寸進難艘如魚躍龍門上舊日銘文石尙存

唐太

宗勛銘石上

蜂窩萬點攢篙痕年年三月桃花漲聲勢鼓盪風

雲昏陡落盤盪猶激箭雷霆下索蛟龍戰沙漂颺蕩駭聽
聞人與鬼神爭一線我來剛值暮春時島竦淵渟各逞姿

默諦嶢嶢高揭狀不禁振觸動遐思一任陽侯肆洶涌屹
然曾未秋豪動似茲堅定有誰能千古臨危仁者勇

戲詠不倒翁

象笏烏紗兩頰紅靦顏名厠縉紳中推排一任兒童戲烜
赫全憑粉墨工嗤爾立身多反側笑他結體太虛空莫將
土木形骸看格調依稀長樂翁

髻齡曾記共盤桓何事干卿轉喜歡豈解雍容相掛讓終
嫌詭誕少心肝愛師鳩鵠參軍舞聊當衣冠優孟觀錯莫
逢場頻作戲些些伎倆沒須彈

俯仰隨人任訕譏動而無動少靈機輕狂幾度因風偃轉
側常如醉酒歸底處自行還自止當前相對忽相違終防

大有泥塗辱一聽癡兒信手揮

山塘士女冶游天戩香筠籃滿市屢玩世不甘爲磬折入

時也慣學舟旋賓筵累我輸三齋小者如豆酒人用以酬客身價評君

值一錢漫詡六朝名士習被人賣弄被人憐

繼曾姪四庫全書館書成叙用州倅詩以示之

風度翩翩迴出塵有田負郭漫嫌貧讀書儘足娛親意色

喜憐他捧檄人

香園書堂在翠微好山如畫曷旋歸生平愛誦文房句一

尉如何及布衣

因人畫諾最堪哀也有才人簿尉來潢潦細流能澤物莫

教負負笑丞哉

七夕詞蘭陽道中作

銀河萬里去漫漫
鯉徙鯨移手障難
靈鵲若銜精衛恨
填平終古息波瀾

九華鐙影燦雲屏
只祝行人履道寧
汴水吳山同悵望
今宵兩地拜雙星

密網漫天待若何
蜘蛛枉自費張羅
世人變巧吾甘拙
不向天孫乞寶梭

涼風瑟瑟漏沈沈
體怯輕紗漏已深
梧影亂翻金井月
輻轉盡一天秋

吳江門人史善長編校

靈巖山人詩集卷三十五

靈巖山人詩集目錄

第三十六卷 古今體詩

嵩陽吟館集

強園協洽

有客自蘇州來云曾見幼兒嵩珠因而有作

道甫書齋豢一猴猓騰拏跳擲日夕叫擾不已

又喜竊果物靡饜足期道甫每狎弄之或逢

彼怒反受厥侮噫猴亦黠矣哉感而作是詩

移寓睢壩古祠夜坐感懷

晚行麻姑寨

重陽登望河亭獨飲

與雲巖相公話舊有感

孟縣行館喜雨

次日渡河行抵洛陽大雨連宵不止再疊前韻
伊珠生四月而殤詩以悼之

塞黃河決口詩六章

築固隄

集料

築挑水壩

疏引河

下埽

合龍

冬夜不寐

著雍沿灘

新正病起遣懷

題袁簡齋前輩隨園雅集圖

元入鍾進士畫象歌

送女智珠南歸

病起耳聾

汴京送春曲

題張憶娘簪花圖遺照

淡寧室前小桃初開

題王蘭泉同年三泖漁莊圖

題張孝廉誠梅花詩話

題童二樹

銜

古錢譜

書王荆公集後三首

夷門

吹臺

迎春苑

金明池

樊樓

艮嶽

洪山行館詠庭中花木

夾竹桃

紫繡球

櫻欄

鳳仙

月月紅

禱雨紀事

喜雨和景憶山

安 万伯韻

啄木鳥詞

王喬墓

邯鄲拜呂仙祠

比干墓

寶蓮菴

銅雀坡

昆陽謁漢光武廟看雲臺諸將畫壁

臥龍岡武侯草廬

靈巖山人詩集卷三十六

鎮洋鼎沅秋帆

一字
鑾荷

嵩陽吟館集

強圉協洽

有客自蘇州來云曾見幼兒嵩珠因而有作

江頭秋碧水沄沄家隔青山一髮痕老我倍應憐
少子逢人最愛說鄉園歸期舊有盟鷗証別夢
新愁警雀翻千里金闈半珪月畫雲樓外正黃昏

道甫書齋象一猴猴騰拏跳擲日夕叫擾不已又
喜竊果物靡厯足期道甫每狎弄之或逢彼怒
反受厥侮噫猴亦黠矣哉感而作是詩

金睛火色有光輝，略似人形看又非。
升本終防投布袋，沐冠曾謝著緋衣。
行侔狐惑心無定，性甚狼貪體不肥。
唾爾慣施通臂術，偷桃竊棗技依稀。

移寓睢壩古祠夜坐感懷

空庭蕭蕭落葉聚，倦僕貪眠悄掩戶。
涼催一聲兩聲蛩，愁滴三更四更雨。
觸簾亂驚蝙蝠，飛照壁瞥訝魚龍。
舞夜深神燈暗，不明微聞殿角諷鈴語。

晚行麻姑寨

梨棗秋深熟滿園，煙林漠漠染霜痕。
落霞麗掩初生月，歸鳥驚投舊認邨。
河決藏金輕視土，歲康塲穀積成屯。
田家大有含哺樂，老叟扶筇尚倚門。

重陽登望河亭獨飲

感時漫許鬢絲催不欠清光欠好懷
楓菊眼前迎客豔蛟
鼉柝底送雲來九秋涼雨悲誰遣
萬古洪流去不迴吟侶
半隨黃葉落茱萸
插上高臺

時得道甫
習庵四問

與雲巖相公話舊有感

一代龍門柱石臣
幹空雷雨總經綸
輸公蓋地掀天業
老我批風抹月身
青史其期交有道
白頭相對意彌真
近聞西淀觴吟處
泉石鴛花色色新

孟縣行館喜雨

擊鼓吹簫賽社翁
一宵雨快一春中
平斟沆瀣迴元氣
迅策風霆起歲功
溝澮皆盈流活活
衣租無缺樂融融
須知

撫字資民牧莫忘哀鳴滿澤鴻

次日渡河行抵洛陽大雨連宵不止再疊前韻

眉尖喜色動兒翁
汜灑甘膏布洛中
澤逮蒼生寧靳澤
功歸元化不言功
霖成三日雲猶族
耜舉千邨土正融
漫笑野人疏禮節
豐年俗漸變龐鴻

伊珠生四月而殤詩以悼之

一紙傳驚耗開緘
信卻疑死期雖卒
告疾狀未曾知
月晦珠沈魄風淒
玉殞枝那堪雙鬢
白又作哭兒詩

夢已徵投雀祥空
說降麟艸頭晞晚
露木末變龍燐未
了三生業同爲一
世人去來真不解
枉費証前因

憫汝無知覺恩勤
痛阿娘十旬爲父
子千古一彭殤淚
灑

悲秋日靈依選佛場

時暫停佛寺

夙緣如未斷再索白眉良

塞黃河決口詩六章

并序

乾隆丁未夏五河決於睢州孫路口口門寬三百丈
大溜掣東南行淹及歸德寧陵亳州等境由渦入淮

沅衝

命同大學士阿公總河蘭公議堵塞之相度經營鳩工集
料百日而大工告成河自己未後幾十年無歲弗決
天子發帑數千萬勿稍靳惜吏胥乘機舞弄橫征掊克豫
民大困沅痛懲積弊盡革舊章慎重公帑力除民累
鄉城遠邇晏然安堵河復古道歸避危病殘臘始蘇
雪夜不寐披衣翦燭爰紀以詩章事悉手裁辭皆徵

實聊備諷諭之旨所云言者無罪聞者足戒也後來
司河防者庶諒予之苦衷焉

築圈隄

銀潢倒向人間落奪出三門淪地絡蕩蕩浮空趨大壑浪
軒波立直與元氣相迴薄伏汎節交勢益寬約束不受處
處皆漫灘埽工鞏固尙足資抵禦土隄一綫那得當狂瀾
蛇窠鼠穴茂草蔽縫裂孔透穿奔湍金隄潰塌在俄頃大
溜全掣老河故道滴水乾旬日決口已寬三百丈議堵議
築施以人力亦大難首計對岸築土壩審曲面勢毋少差
宛如平野雙龍交叉如水涘長虹跨蜿蜒迴環進不已直
抵河干工未罷旱工甫畢水工來接手分曹打壩臺毒蚊

游盡精魄羽箭火速只管抵死催貴人那省勞人苦認
是黃河水一枯壩頭浪轉聲如雷日得百錢僅支麥飯供
妻孩上看白日下黃泉身命翻受蛟龍哀輓鑲需用用穀
草束縛維繫纏百道以柔制柔用自妙古人深意應參討

集料

中州沃壤全平陽早秋播種多高粱其實貧戶飽餽粥其
稽打埽築壩藉以供河防年年冬月辦歲料派向沿河卅
六州縣要官價不敷吏役又侵冒籤提血比求取盈那顧
災餘黎民忍飢耐寒破家析產仰天叫然猶常例尚可支
大工一起經費奚啻百倍徒需料數千萬萬計經年累月
堵閉靡定期淇園竹槌已伐盡江淮蘆荻舟運取費更不

貨紆麻楸木亦要需兼收竝採未敢遲買料不已派運料
按里出車老牛疲驢悉索靡子遺每風滄而雨臥填衢溢
野咿咿啞啞去如鴉雀銜尾飛官司蒙蔽飽慾壑折收短
價金珠磊落不怕白日青天欺胥役因緣以作奸需索稍
拂意動以貽誤大工嚴例恐嚇相懲治嗟嗟蚩氓誅求到
骨髓惟有撒屋伐材賣男鬻女聊救眼前一死耳十年河
患患最劇帑金萬億付流水一弊未除一弊起人之無良
竟至此我來采風乘輶軒問之街談巷議悲入心骨增煩
冤今夏河決孫路口搜剔痼病一一更張而改弦以銀易
料實先務損上益下寧空言今與長吏約誓飲黃河一椀
水令行法立要從潔已清其源節用愛人功易就或者神

明鑒此區區誠安瀾交慶百日間官貪民累一切禁革盡
孰利孰弊孰得孰失上塵

天子下飭諸司手押鐵案森如山後人識予一片苦心在
勿視塵牘爲具文慎哉勿視塵牘爲具文

築挑水壩

瓜蔓汎漲決隄爭路逝所過激城堙塹塹沈邨漂屋掀簸坤
維不可制古人作壩抵拒之藉以遏其流而殺其勢此卽
與水爭地法腐儒拍泥以地讓水之說多失計決口進上
規地形或遠或近宜短宜長斧畫圖繪力敵駭浪之奔騰
霜天月夜聲登登長竿高燒萬點燈日築日進占到水深
處宛然扶搖羊角中泓橫挑溜東趨遙對引河頭緊直豈

待金門得障屏眼見壩成河放全河大溜迅落如建瓴歷
來治河總未籌及此此番遵奉取

中旨圖中形勢若掌指蛟螭遁藏魚鼈死霜降秋枯歸壑
水不日成之河復矣

疏引河

鴻濤夜半聲如吼萬派委輸貫一口瀕洞汜濫任意弄千
邨萬落不見人煙只見柳牛羊上岡龍伏湫泥沙淤積一
丈厚水不爭遠近而爭高與低老河斷流流向西炎颯烈
日捲濁土半月漸見河形迷測量咨度要詳細除濬引河
無別計力夫五十萬眾半游民烏合狼貪非易制按名按
土日程工方土日給三錢錢不貫如雲畚插雷號令予限

四旬勿小愒監司守令分段秉責成其中桀寡不率人輕
者荷校重杖斃岸有積土高邱山起伏百里遙綿延水底
有沙沙底水層層窄掘力倍殫三餐粗糲腹未果沾體塗
足夜以繼日劇可憐河成豈得歸故道狂瀾手挽非偶然
書生侈談治河策此豈人力皆由天安知大役一與民命
輕於紙毒霧瘴雲多嗚死魂歸囊空無一錢殘骸萬古埋
河底

下埽

積氣欲穿濛汜窟非埽曷以抗其暴平明壩頭集壯丁定
議下埽先捆埽繩繩帖地擬治絲草草堆空等聚哨半用
積薪半牽索効死勿去曷敢拗輾輓宛如車軸轉安帖形

與角枕肖長十二丈高三丈突兀邱陵眼前倒虎頭猛士
立埽頂手挈銅鉦施令號飛揚頤指復氣使恍惚神騰夏
鬼趨萬夫曳埽埽不動眾聲齊應一聲叫得寸進寸尺進
尺矢足慘怕重淵掉推挽竟日抵壩唇前人誼囂往後跳
危同一髮引千鈞纍纍亂索凌空弔當其欲下未下時智
能直竝馮夷較自上下下姑徐徐埽歷浪突兩排冪漸著
水面波沈沈運土搬柴絡繹到人人登岸慶更生譁然鼓
掌聞一笑嗚呼一埽直費萬金餘鯨吞鼉齧人命爭須臾
荒祠夜深樹顛妖鳥哭驚傳埽堯言非誣盤渦漂沒片羽
如前功盡棄全力瘠歲儉料物恐不敷防河使者望洋兀
坐長嗟吁束手無術圖象拘我民力役形瘠癯不舍晝夜

逝者如斯夫

合龍

全河河水直貫金門注河伯退避地祇懼東西壩頭雙下
埽進占一步河身狹一步益束益緊水狂怒深刷力穿九
泉底澤洞欲摧齧足仆長繩下墜十幾丈測量深深不知
數埽工隨墊隨搶鑿連宵達旦積日累月不容片晷停手
貽疏誤以稽爲骨土爲肉非用重土鉅壓壩身安得臻穩
固波勢大來漸小往對面人語竟可一葦渡議開引河河
暢入溜一半分向東霜清氣爽無北風波恬浪靜秋澄
萬頃圓靈空築室力排道謀異其機如此一失千里豪螯
同昧爽設祀拜手稽首告心香一炷煙煙熅熅精誠上達

乎蒼穹星斗下垂萬靈集神人歡喜快睹景象光昭融文
武將吏踊躍催挂纜足立虛無踏危塹長索纒纒遙繫斗
大之椽杙萬手齊舉萬口闕層柴層土往下墊窮深絕險
只向蛟室龍宮占紅燈高颺黑夜如白日水府百怪匿影
而騰閃暄聞金口已斷流千椎萬杵奔壓到盡頭上首急
將門埽下下首最怕翻花浮補苴罅漏亦要著河防雖無
一勞永逸計全在一切未雨先綢繆吁嗟乎中州土鬆河
患烈治河成法纖巨成書列成法不變形勢因時變管窺
蠡測往往致決裂駐節河干裘換葛歸來抱疾臥三月會
計漫嗟心力竭一病能令百病絕嗟嗟勿視寸柴尺土至
賤物黃金一斗日日百圍絮破產畢命半是下民膏與血

雪夜不寐

涼氣透窗紙夜半撲燈滅萬象得雙清心印一庭雪

著雍涖灘

新正病起遣懷

病餘筋骨喜春融柏酒家人笑語同會滅刀圭能益氣神
寒鑪火獨鳴功生憎多夢驅宐樹靜取閒情寄翰通掄指
試燈時節近蓬壺景在畫屏中

題袁簡齋前輩隨園雅集圖

六朝麗藻千江色雲濤蕩漾金陵月一螺幻出小倉山天
教營作詩人窟我別隨園已七年夢游頻駐蔚藍天

園中齋名

兔裘獨擅亭林勝鶴貌遙從畫卷傳寫真一一添風采

初元徵士惟公在曾驂瑤鳳謁清都記掣金鼈泛滄海風
波一葉早收綸花影琴聲了夙塵規取一邱還一壑商量
位置此閒身鬢眉翠染松筠古神仙中人爲什伍贏得詩
情撇宦情難忘舊雨聽今雨石頭斜照莫愁深南國鶯花
費短吟春潮蕩漾迎桃葉秋雨騎驢訪定林卅年歲月飛
鴻度五人落落晨星布零落生存百感增永綃無恙人如
故尋芳垂老減風情杖底芙蓉萬朶青名山踏遍吟髭冷
比似圖中白幾莖偶來驛使傳雙鯉尺緘未展心先喜遐
惊江上午橋駐滿紙簾前丁字水館娃勝蹟視山隅舊築
書堂俯具區白雲放我出山去孤負梅花十萬株近聞雨
夕停芳屐秉燭掃苔醉題石主人不見見梅花賸有寒香

款游客壇坵東南屬我徒幾人姓氏滿江湖他時洛社邀
吟侶別寫靈巖高會圖題詩寄公三歎息容輝月照長相
憶詞場老輩數靈光畱得畫圖人愛惜望山仙去已多年
如此人才孰解憐摩挲官閣參天柳重到西園倍黯然晚
歲光陰肯虛擲寄託詩篇竝泉石盛名早占福千秋古調
孤彈琴一隻

元人鍾進士畫象歌

鬢鬢蝟張倒插鬢聚斂鬼物恣蹂躪烏紗角帶寫英姿兒
童卻走不敢進雙眸睜眈眈遊黍光手提一劍森寒芒一鬼
犯令方就戮鬼頭墮地血漉漉羣鬼怕死啾啾哭狀貌猙
獰情殷鯁白日橫行多魑魅弱者擲揄強者媚掃除只在

反掌閒此亦人閒一快事琴書小擔穩隨身羨君原是讀書人不藉科名來嚇鬼始知正直定爲神肉黍堆盤酒一瓊玉餅清洪蒲葵滿憐才我痛異才淪嫉惡君能羣惡癩故鬼新鬼無小大一怒直令鬼膽破制伏邪魔無不可知君威柄專於我

送女智珠南歸

汴堤柳枝新東風攬飛絮女子賦于歸歸期一何遽生離悲莫悲遠別去復去湛湛碧江波迢迢芳艸路拳拳抱寸心擾擾櫻百慮汝生甫三月失母誰哺飫襁褓我提攜長成我復顧汝兄痛早逝弟妹尙童孺弱息怕零丁青箱艱託付賴汝侍我側穎慧實天賦學詩解別裁識字習訓詁

風窗雪案閒伴我蟲魚注宦游常相依歷遍秦隴豫屈指
結稿歲星周已六度未拜堂上姑久作人閒婦叶欲畱義
不可欲去情忍訴矧我疾甫瘳鬢鬢雙添素戒途期屢更
話別茹弗吐柔順女子貞盡孝實本務辛勤鞠兒女撲素
守荆布行行勿徘徊執手且少住經營到衣簌屬付向乳
媪丁寧雜嗚咽一淚滴一步平安爲汝歡疾病惟汝懼汝
須亮我懷長途慎風露最防憂慮侵恐以思我故重要相
見日毋忘臨別語幾紙江上鴻十圓月中兔時訂於明
春來示桃
花水初生吳淞春未暮一枝柔艣聲搖向夢中誤

病起耳聾

花事闌珊村藥鑷掩關悄覺萬緣清空餘曉夜祈年意減

卻虛堂聽雨聲

一室端居自懺磨，屬垣持戒待如何。
從今漸損聞根累，始信聰明誤我多。

汴京送春曲

少年送春五湖濱，飛花滿天愁殺人。
中年送春長安道，只怕若英消剔早。
汴京故宋繁華地，我來駐節歲經四田閒。
社公賽不靈，枝頭少女工爲祟。
渴土漫風秋麥枯，祈年屢拭憂時淚。
蓮鐙萬瓦暗樊樓，撒盡明珠說勝游。
上河已歷恆沙劫，底處名花看擔頭。
金明橋沒汴河涸，望春無復探春樂。
春來不見一花開，春去不見一花落。
病起憎寒怕捲簾，三月何曾窺近郭。
春意人情兩惘然，豔冶風懷付寂寞。

酬酢飛光柸酒中，鶯曉燕語惜息。春若有情應戀我，明年香國訂重逢。

題張憶娘簪花圖遺照

背人獨立黯銷魂，雲髻花滋九畹痕。一洗世閒凡豔盡，生來香草本同根。

香銷骨冷悵如何，拂拭零縑讀豔歌。莫怪君家勤護惜，三吳耆舊此中多。

烏雲入手變一盤，碧玉搔頭寫影寒。縱使麗人生並世，空花也作畫中看。簡齋先生題句有杜牧
遲生之感詩以解之

繡谷花殘怨落紅，遺聞曾記立春風。今宵一掬西州淚，并入閒情綺語中。子昔侍歸愚師于教忠堂，每于酒闌吟罷，嘗說憶娘遺事，今讀先生卷中題句益增。

然惘

淡寧室前小桃初開

一株穠豔漫瓊栳眼底光風日日催纔入春深欣病淺看
花那得不開懷

題王蘭泉同年三泖漁莊圖

碧水迢迢魚樂閒情淡淡鷗盟春去落花風裏柳陰釣艇
空橫

詩人可仕可隱潮信自去自來款乃一聲煙水芙蓉幾見
花開

題張孝廉誠梅花詩話

雲水相違已卅年雨窗翻寫舊護篇

時索余梅花舊作

吟魂暮入

香谿路重証三生未了緣

慧業清葩妙夙因
虛空繪出玉精神
生花筆變龍門格
今古無多獨行人

悵望寒枝萬萬株
卷中如見故人呼
昨宵夢逐春風遠
吹去香心落五湖

逝將香國寄遐蹤
問我靈巖第幾峰
余靈巖山館有問梅
禪院繞屋種梅花一
本晴雪未消花未放水邊林下一相逢

題童二樹 銓 古錢譜

太昊以來已有此形製未同意似耳
其行曰布藏曰泉義取流行而已矣
軒轅所造初無文載年號自宋武始五銖
半兩暨比輪小大重輕難悉紀古聖鑄造
冀便民後世因

之多紛紜積千累萬意未足勢可使鬼權通神二樹山人
心好古叩門示我古錢譜上自周秦下迄明歷歷傳神寫
阿堵不必完美纔入圖水浮風飄後漢錢名皆有取貪多務得
擬官山愛惜不異三培賈嗚呼君旣不屑吹簫乞向人復
不如河間姪女常工數紙上雖富難療飢縱皆萬選亦何
補蠹蝸之術豈可以復得神許貸汝原虛語那知君意別
有在一紙憑將傳百代非獨輪郭文章賴以存厥利厥害
可盡得梗槩封演董道二譜世所傳論說猶覺有未然試
使相提相較量應讓後者來居先笑我雖無和嶠癖囊空
未免少顏色口欲不言慙未能一錢不值程不識

書王荆公集後三首

文章節行重羣倫誰信縱橫學未真有數人才偏召亂無
多世界變翻新唐虞上理成描虎佛老空談抵獲麟那料
書生移宋鼎辨奸一論服蘇洵

青宮延譽折韓維進退分明絕險巖排繫舊交多善類更
張新政伏嬌兒盛名已得何須相公論難埋只是詩風雪
定林驟背穩登庸應悔游台司

萬言高論抗青雲博得君王端拱聽立法殘民由變法通
經誤國尙傳經生窺新莽臨朝斧死玷文宣配食庭可惜
汴京全盛地不堪流毒到崇寧

夷門

莫嗤頭白作監門勿頸能酬再過恩我到停車閒望久女

牆綠樹雨昏昏

吹臺

今名禹王臺

三賢祠宇鎖煙煤石徑荒寒長綠苔寂寞平臺人不掃
隔年紅葉爛成堆

迎春苑

平蕪漠漠鳥呼風細雨剛停二月中妝點昔時春宴地
杏花亭角一枝紅

金明池

亭館參差輦路斜當年水木最清華我來立盡斜陽影
沙鳥無聲浪有花

樊樓

梅花初放酒新筍簾幙風閒上翠鈎明月會仙二樓名俱寂
寞獨將燈火擅千秋

艮嶽

一自鑿興出近郊樓臺深鎖百花梢君王宴賞尋常事可
省兼山第六爻

淇上行館詠庭中花木

夾竹桃

穠華無力護持難束縛空傷直節殘只爲榮枯全異勢依
卿聊博美人歡

紫繡毬

百朵花攢一朵佳神針不藉度吳娃丰昔小摘簪瓊鬢一

色雲垂小玉釵

櫻櫚

小院風清碧影翻
雨餘偃蓋辟塵煩
層層剝到皮毛盡
堅直終憐本性存

鳳仙

一叢豔影絢牆隈
曾是嶸山九轉來
昨夜紅樓風露冷
簫聲隱約度春臺

月月紅

幽居歲序靜中掄
開落仙萸數幾巡
多刺叢生柔曼質
笑他偏占四時春

勝雨紀事

伏龍怒升妖魃死雲之油油得千里半年不雨兩三日世
閒快事無過此河北三郡彰衛懷災餘民窮到骨髓自春
徂夏復愆澤麥秋失望嗟已已宵蒸炎霧蜚蠅游晝飛毒
蠱刑天喜鵲噪乾肺挂樹梢蛙渴噤音僵井底下隰秋苗
只扶寸高阜石田艱下籽老農痛哭婦子嘻破屋茅簷盡
縣邦

九重披衣艸詔書馳詢何方活赤子緩征正賦免追呼平
糶輸糧溢城市

皇仁解澤歲已周天意屯膏事難揣更愁令序逼三伏夢
成病魔臆填瘡傳聞覃懷有古祠壽亭遺象肅禋祀土人
尊以水府名神聽民聽視民視恭迓鑾輿降膳城陳薦牲

牢潔筵几焚表拜稽乞慈佑憂在蒼生淚在紙三農呼籲
神聽卑萬井怒飢吏心恥靈風肅肅翻蜺旌列缺豐隆佐
指使須臾雲霧萬山合觸石實從膚寸始輕霏密洒潮湧
沱如盆倒傾併瀉水雷雨連宵慶滿盈蒼黎此日平瘡痍
帝心愛民夏敬神額手實堪慰慶矣沉據實馳奏接奉
批答有以手加額欣
慰慶之竝實慰慶矣之諭翠墨題頒廟貌新精意潛孚迺至理御書沛
霖字佑
四字扁額恭送懷郡武廟隴頭叱馭起田功儻夏失時夏奚埃瘠土窮
黎乏工本開倉貸穀仰遵

旨郊原展眺遍青滴犁雨翻雲畫圖裏民命直與枯苗蘇
豐歉轉關呼吸耳雨珠雨玉亦何爲天澤無如此雨美

喜雨和景憶山

安方伯韻

觸石雲生結暮陰
隆隆空際曳霆音
半宵潤物全消滄
三日依期便作霖
靈雨未零春入夏
靡神弗舉古猶今
諸公共抱憂民隱
一炷香縈一寸心

啄木鳥詞

啄木啄木藏身樸楸
有文其羽有肉其角
農人告予此有先覺
戛然一鳴旦晚雨足
織禽之微能爲民福
晴雨不知嗟嗟司牧

王喬墓

雙鳧仙去幾千年也
作舟藏夜壑傳殘雪
滿林雲滿逕亂山
何處弔神仙

邯鄲拜呂仙祠

蟠桃花落絳霞開採藥船輕風引迴參破眼前榮悴理頓

紅塵界卽蓬萊

壁上有蓬萊仙境四字
字里人傳爲仙蹟

藝語喃喃聒耳喧金丹何處問真源乞師背上龍泉劍借
與癡人斬鈍根

福地高攀鐵鎖尋鴻都會記鶴書臨卅年未醒游仙夢雲

鎖終南紫閣深

及戊元夜夢仙官召子爲終南山
主辭以塵緣未了俟三十年再來

繁華彈指境推移未抵黃梁半餉炊一枕漫勞師點化自
知出夢已多時

琴心內景証前因金鼎焚香注語真鶴背有人莞爾笑神
仙也是夢中身

擾擾營營夢不同夢迴底事不成空古人萬變無成局難

山先生一枕中

鼎新雲構結清緣宿願虛酬隔一年本是夢中還是夢偶

然游戲卽神仙

子于丙午春展觀過此見祠宇傾頽許爲修葺嗣移節中州因災賑重大未及舉行

今春有袁州張太守過郡邑之前一夕夢見一道人云君往汴州晤畢中丞乎渠有宿願未了望促之張君醒而不曉所謂次晨停車訪古始知爲呂仙祠及入謁見廊下一道人恍與夢中符合抵汴告子卽指曰鼎新其事亦奇矣

比干墓

眼見朝歌滅羞爲白馬賓銅盤碧血冷石闕黍書泯刀鋸

尊前輩心肝奉一人至今黃土嶺夜雨有飛燐

近有人得墓中銅盤

銘辭甚古石闕相傳孔子書

寶蓮庵

雲扉雙掩隔塵間喬木陰濃漏夕暝愛憩僧窗因好雨偶

尋游屐寄孤雲草花孤豔迎人笑
柏子凝香帶葉焚老衲
漫矜閒勝我半持課律半耕耘

銅雀妓

纍纍多疑冢思君望不真
梟雄共螺黛萬古寒泉淪舞衣
飛作雪總帳化爲塵清漳月如鏡
冷浸分香人

昆陽謁漢光武廟看雲臺諸將畫壁

秋日驅車向宛葉長川縈繞山稠疊
遙望青林掩藹中飛
薨高與層霄接朱膺門標漢帝祠
陰陰翠柏蔭庭墀神龕
靜畫褰珠幔羽衛分行捲繡旗
相傳文叔居田里耕稼辛
勤躬料理九縣颯回靈貺甄真人
白水騎牛起此閒係昔
昆陽城尋邑分提百萬兵緬憶相持未戰日
旆旌無際列

屯營復有長人巨無霸孟賁烏獲其流亞樓車高架衝翻
來積弩攢城連晝夜駢鑿積雲似壞山紅旗小隊薄陽關
出奇制勝儲成算視仆敵壘同枯管勢迫形危人倍勇中
堅一撼齊搖動乘熾鼓譟聲震天虎豹奔騰士卒恐風雷
交作助神威屋瓦凌空四散飛走者自相蹂躪殪隻輪匹
馬何曾歸中興基業由斯定赤伏符徵吉兆應雄斷英謀
迴軼羣陰霾廓淨扶炎正遂卜東都作帝居東西南北一
書車銘勳圖寫功臣像千尺雲臺接太虛歸來舊宅招親
友打稻場寬爭進酒田廬景物宛如前道故歡然開笑口
長復租徭比沛豐春陵世世荷仁風大度獨殊高祖處不
教鳥盡歎藏弓異代鄉人尋陸緒鳩工擇地興祠宇當門

平野綠茫茫一片戰場風月古洛陽宮闕逼奎躔歲久傾
墮付碧煙豈意數椽香火院豐碑猶說建元年丹青兩壁
簪纓燦儼若朝班猶未散邨翁伏臘薦牲醪何似滹沱分
麥飯低徊流覽久停車落日平原返暮鴉下堂振觸悲秋
意石磴蟲聲隱葛花

臥龍岡武侯草廬

莘野躬耕渭釣璜兵閒三顧更倉皇時乘奇會扶頽鼎地
競名人作故鄉艸艸一亭留蜀漢堂堂兩表鑒高光難忘
威斗龍興業室在南陽墓沔陽

靈巖山人詩集卷三十六

江寧門人嚴觀編校